

地 180.113
39
部 14

卷之四

藝文

詩部

附 欽 災異
墳墓

拾遺

仙釋

禮縣新志

重纂禮縣新志卷之四

藝文

文章一道士大夫所不廢寸牘片簡吐詞有經
可以行遠至騷人逸客遇佳山水登臨吟詠題
壁勒石筆墨淋漓意亦欲與勝蹟並傳也禮卽
荒陬而名公鉅卿閒亦賁至故文以紀實詩道
性情多有可採者志藝文

李昉王少保神道碑記

皇宋之啟昌運二十有五年應運統天睿文英武大聖
禮縣新志

卷之四

藝文

一

至明廣孝皇帝嗣位之九載三行郊祀之次月故贈太
子少師太原王公之孫秘書郎永錫賚列祖行狀哀訴
於趙郡李昉曰伊我王父世稱哲人仕歷屢朝官登二
品聳縉紳之重望留臺閣之懿範奄忽明代垂三十年
雖馬鬣之墳已封於故里而龜趺之制未表於長阡慮
陵谷之變更致聲塵之銷歇奉先之道於是闕焉願實
錄其芳猷永垂名於終古昉辱蓬邱之見託感絳帳之
舊恩屬文誠異於好詞頌德豈宜於多讓謹稽首抽毫
而敘曰王氏之宗其來遠矣秉緱山之秀異如淮水之

靈長或以儒雅稱或以門閥顯世濟其美代不乏賢挺
生我公鬱爲人瑞公諱仁裕字德輦其先太原人後世
徙家秦隴今爲天水之人也當童幼之年失怙恃之愛
兄嫂所鞠至於成人唐季亂離關右斯甚俎豆之事蔑
無聞焉旣乏師友之規但以攻遊爲事二十有五畧未
知書因夢開腹浣腸復睹西江碎石皆有文字夢中取
而吞之及覺心識開悟因慷慨自勵請受經於季父詩
書一覽有如宿習凡諸義理洞究淵微下筆成章不加
點竄歲餘著賦二十餘首甚得體物之妙繇是鄉里遠

禮縣新志

卷之四

藝文

二

近悉推重之秦帥隴西公繼崇聞之以書幣之禮辟爲
從事尋屬王氏僭竊奄有兩川隴右封疆遂成睽隔公
因茲入蜀連佐大藩歷僞尙書禮部郎中中書舍人翰
林學士蜀後主衍好文攻詩偏所親狎宴遊和答殆無
虛日後主昏涵日甚政教大隳公屢陳讜言頗盡忠節
旣割席以救難竟舁棺而納降蜀亡入朝授雄武軍節
度判官桑梓故里罇俎上列歸與之樂適我願兮職罷
歸漢陽別墅有終焉之志著歸山集五百首見其志無
何南梁主帥王公思同以舊知之故逼而起之密奏投

興元節度判官不獲已而應命非其志也洎居守鎬京復參贊留務時帥潞王據有堅城將圖義舉陰遣間使

會兵於王公王公依違之間可否未決猶豫方甚召公

謀之公曰事君盡忠事父盡孝之道奈何棄之王公勃

然而起曰吾其效死於王室矣於是戮岐陽之使馳驛

上奏忠規正論聞者義之俄而王師奉潞王爲主王公

果死於難雖寮吏悉罹其禍潞王下命軍中曰獲王某

者無得殺遂生至於麾下潞王素聞公名喜見公面文

翰之職一以委之公自陳曰府主渝盟臣所贊也請就

禮縣新志

卷之四

藝文

三

鼎鑊速死爲幸詞直色厲潞王壯之載以後車俾隨王
輅教令詔誥咸出於手安慰京邑先行榜諭倚馬吮筆
頃刻而成潞王覽之大稱厥旨及卽帝位方將陞玉堂
之深嚴備宣室之顧問旋爲近臣排斥出爲魏博支使
改汴州觀察判官數月徵拜尙書都官郎中召入翰林
充學士旌前勞也晉祚初啓以本官歸班稍遷左司郎
中歷左諫議大夫給事中左散騎常侍晉室之季也權
臣用事朝政多門旣荒歉以相仍復干戈之莫戢山河
土地遂強據於諸侯禮樂征伐政不出於天子公痛紀

綱之隳橐抗章疏以指陳屢叩天闈極言時事洪河方
潰非捧土之能堙大樹旣顛豈一繩之可制以至賊氛
孔熾晉鼎尋移懷直道而無所施張覽遺疏而誠堪嗟
歎漢高祖順三靈之睠命救四海之倒懸大寶纔登中
原亟定有天下之踰月拜公尙書戶部侍郎丞充學士
承旨明年帶內署之職知貢舉制下之日時論翕然咸
謂俊造之孤詣將得路矣舉罷轉戶部尙書承旨如故
明年以疾解職授兵部尙書周太祖卽位進位太子少
保尊名賢而寵舊德也以顯德三年七月十九日寢疾

終於東京寶積坊私第享年七十有七輟朝賻贈悉從
優禮詔贈太子少師卜其年八月一日權窆於開封縣
持中村以大宋開寶四年三月十八日秘書方護神柩
歸葬於秦州長道縣祔於先塋成夙志也洋州錄事參
軍諱約公之曾祖也成州軍事判官贈尙書屯田員外
郎諱義甫公之皇祖也階州軍事判官贈太子傅諱寶
公之皇祖也追封河南郡太夫人元氏公之皇妣也宏
農郡楊氏公之前夫人也渤海郡夫人歐陽氏公之後
夫人也並先公而沒秦州觀察推官仁溫秦州倉曹參

軍仁魯公之二兄也成州軍判官傅珪秦州長道縣令
傅瑛公之二子也適校書郎黨崇俊適殿中丞劉湘適
河東薛昇公之三女也綿州西昌令全禧秘書郎永錫
公之二孫也公秉天地和氣負文章大名義信著於交
朋仁孝被於姻族閨門卒歲無聞諾詈之聲僮僕終身
不知鞭撻之苦可以見其爲人也每遇良辰美景必攜
生童命儔侶前管絃而後琴筑左筆硯而右壺觴怡怡
然陶陶然曾不以家事爲意曠達高懷世無與比篇章
賦詠尤是所長行路深閨無不諷誦妙於音律精於爻

禮縣新志

卷之四

藝文

五

象又不可得而論矣昔公之掌貢闈也中進士第者凡
二十有三人時則有故宮師相國王公溥今左議大夫
判度支許公仲宣大司農李公惲俱振美名並昇殊級
惟宮師王公迺高時望擢處首科五年之中位至宰相
小子固陋亦預搜羅玉堂冠於詞臣黃閣陪於元輔逢
時偶聖何幸會以踰涯卵化翼飛豈生成之可報其餘
陟烏臺登雉省內遊諫署外佐侯府者皆一時之名士
也平生所著秦亭篇錦江集入洛記歸山集南行記東
南行紫泥集華夷百題西江集共六百八十五卷又撰

周易說卦驗三卷轉輪迴紋金鑑銘二十二樣詩賦圖
並行於世著述之多留傳之廣近代以來樂天而已嗚
呼位列三孤名聞四海享礪溪之壽考紹闕里之夙猷
高朗令終可謂全福然而生逢叔世莫偶盛時胸襟空
貯於經綸生靈不受乎康濟非公之遺憾乃時之不幸
也昉門闡發迹邱嶽在身備位巖廊詎敢忘於所自垂
文琬琰理不在於他人英魂懍懍以何歸夙草離離而
永茂灑涕揮翰謹作銘云猗歟少師生秉靈氣二十有
五方游於藝浣腸得夢吞石表異先聖之書一覽而記

禮縣新志

卷之四

藝文

六

唐祚衰歇廣名播越四海亂離九州分裂禮樂崩壞文
章斷絕若水無梁若舟無楫惟我少師鴻筆麗藻獨步
當時綸言貢籍是掌是司縉紳領袖儒者著龜一代雄
才七朝令譽步驟九流迴翔三署以文駿位非爲不遇
以德藩身動有陰助誠信篤外溫潤積中行己以正事
君惟忠謙讓是敦禮教是崇臺閣之內藹然清風嗚呼
明時不幸兮哲人云逝驚波不返兮令名誰繼有礪溪
之壽兮無礪溪之位德空高於古人兮功不施於當世
茫茫長夜兮古隴元堂離離宿草兮夜月寒霜任桑田

之變海兮播休問之無疆

程鉅夫魯國公家廟碑記

先王之制諸侯廟五大夫三父爲士子爲大夫葬以士祭以大夫禮也是以君子將營宮室宗廟爲先祭器爲次宮室爲後而宗廟之器局可銘者而無不著焉所以慶所以勸也忠孝之道備矣今天子稽古右文一本於禮河洛之思羹牆之見慨然延念先正之臣左右亂四方其股肱心膂之績固已彰於彝常煥乎其足徵乃若國家所以報往而勸來者猶以爲未居於極也爰命公

禮縣新志

卷之四

藝文

七

卿舉先猷展故實而隧章之典行焉於是陝西行御史臺以侍御史世延父祖勳伐列上公章有旨集博士禮官議議旣上詔贈故征行大元帥按竺邇爲推忠佐運定遠功臣大傅開府儀同三司上柱國追封秦國公諡忠宣配白氏秦國夫人故國璠爲漢軍元帥爲推誠佐理宣力功臣大尉銀青榮祿大夫上柱國追封梁國公諡忠憲配雲氏梁國夫人明年公孫世延入參大政政以咸熙天子嘉焉又贈其曾祖鯉公彰義保節衍慶功臣資德大夫御史中丞上護軍追封冀郡公諡忠毅配

韓氏冀郡夫人繇是參政之先三世六代俱蒙加恩又
明年參政拜中丞遣右轄分治雲南天子顧中丞曰非
君不可復拜中丞以乃祖乃父勤勞皇家宜勗其生平
著之秘祀庶幾永啓厥後爰詔臣鉅夫文其家廟麗牲
之石臣惟上之於下邳隆者恩也大復古始者禮也感
激奉詔謹按忠宣公古雍氏雲中世族幼孤育於外家
曰尤要甲因姓舅姓轉而爲趙忠宣智畧深長弓馬絕
世衣冠材器已顯攻城畧地所向無前扈太祖平河湟
從太宗下岐鳳取平涼慶原邠涇如風隕草金人固守
禮縣新志

卷之四

藝文

八

關河幾二十年一旦忠宣假道禱虛如天墜地湧良平
之智不及施賁育之勇無所用心碎膽裂莫之能支睿
宗深所嘉賞金繇之遂墟已而奉律西征隴右遣定進
兵蜀道首集階文守漢陽制三邊納番土收後效成都
夔門之戰江油引誘之師皆其功之較然者多謀尙義
愛下恤民所至捄彌戮贖俘囚輯降附則所惠益廣矣
然則開國之功不後諸將而畧不滿假退然若無所謂
勞謙君子者與忠憲雖出將家自幼學問雍容閒雅言
貌甚篤蓋忠宣積苦兵間而敬禮儒生恒戒軍中無毀

文籍是宜有佳子弟之報慷慨倜儻能得人之歡心勇於當敵愛恤士卒有古名將之風焉重慶南丹之戰皆居軍鋒或降或戮無不如志火都投首策之彌精思立奇功以承先志乃招屬戶 修廢州虎視西南別授羌戎之寄於是徼外羌渠畏威欵塞列於王會初不自以為功降羌爵反出其上殷勤遜謝益簡帝心君子有終世繼其美古之名將有莫能及者焉竊嘗究觀成功之臣弗居者百一而矜以致敗者何多也若忠宣忠憲爲而弗有有而弗恃簪組蟬聯式克宜於令聞父子祖孫

禮縣新志

卷之四

藝文

九

并授顯服昨之秦梁濟之廟祐遂將爲百世不遷之祖非甚盛德孰躋登茲嘗聞雲中踞西北河山之奧原野高博風氣凝厚炳靈異而生其間者不出則已出則必瑰偉絕世之材若雍古氏之達已數世而方來者彌昌其不謂之間氣之鍾與且家舊於韜鈴而中丞服膺詩書動必以禮高才姱節負天下之重望尊天子之命考先王之禮於報本返始教孝移忠之義蓋惓惓也詩不云乎以似以續續古之人斯可謂能以續者矣揆厥源委宜有雄詞發揚蹈厲老臣何能然大君有命謹撫其

天者而采之銘銘曰皇帝御宇天蓋地涵萬有成德施
仁錫類幽遐開道恩明在上崇功廣業禮有攸當惟雍
古氏方才鬱鬱父子相望揚休繼慶光於邦家以將以
相桓圭元衮爾祖其從同宗與享馨香惟德子孝臣忠
世世無雙刻此瑣石以昭淵猷以迪永養

元張仲舒建西江廟記

古稱天下山河或從乎兩界而皆起於鶉首之次鶉首
未分也居天下西南坤方自秦隴西南皆坤之維則禹
貢所遵之南條也其山川靈異之氣鬱爲神明生爲顯

禮縣新志

卷之四

藝文

十

人記稱地載神氣風霆流行詩稱崧嶽降神生甫及申
非虛語也天地以正氣自鶉首而南融方結錯峙如勇
馬奔放而回旋百里一折千里一曲或起或伏或闔或
觸或傾或踟欲去而不能去有渤然怒張浩然不可遏
之勢行如方陣止如列營盤如長蛇其精神所發焜蒿
昭明有不可揜者故云爲神之明隩而五峙壽宮金馬
碧鷄耿在冊史類皆禦大菑蒸雲澍雨水旱疾
疫得禱焉然特職其幽而顯者非神之所能爲及國家
撫休明之運爲祭祀之典而後天地之氣通故礪出若

山石紐而降世有其人焉傳曰明則有禮樂幽則有鬼神其理潛通不可誣也當隴蜀之衝有水名西漢亦原嶓冢而出至天水郡曰西江大神居之其峻極之勢南鶩西折英靈磅礴蕃厚不洩環山爲壑大江回瀦潛入於丙穴有神魚四游泳其中時出於江之溥莫敢忤視里不稱魚曰河神網而食者其人立死民愈神之歌舞歲事惟謹神以福其民無乾濕夭札之患旣以王爵祀其土主祠祀至今不懈益嚴有唐之季年翰林王公仁裕實生其間旣弱冠夢神剖其腸胄倒西江之水澆之

禮縣新志

卷之四

藝文

十一

甲沙石皆篆文勉取而吞之自是文章煥發任承旨位少保爲世儒宗嘗知貢舉其門生則有若王溥曾昉和凝范質其人皆爲將相佐興運焉夫當天地清明之期山川鬼神其與知之則必爲出偉人使之彌綸參贊恢張一時政化之盛以表異於天下萬世此理之當然無足怪者今翰林承旨趙公世延秦人也人物傑立與王公相望三百年間嘗以事西江有謁於神也退而夢一異人長裾幅巾援圖來見視其圖前西山間有大蛇飛躍而上者領腹之際紅刻有光燦如也覺而異之占者

曰是升騰之象神告之矣既乃由郡牧厯臺省率再六月一遷以王公應夢是踐此豈偶然之故耶夫自三代以上神人之理爲一故其應於夢兆協於正祥如詩書記傳所載可信不誣今公方都顯位用詩書禮樂致明主於三代之隆疇昔之夢覺有徵矣而興科舉於百年之廢實自公始公知延祐二年貢舉得人之多將與王公之事輝映國史今官雖與王公畧相似而公享奮大一統之朝秉鈞承明黼黻文治蓋王公所不及况於用才學顯庸膺不世知遇爲明時賢臣方當介圭端揆大

禮縣新志

卷之四

藝文

十一

攬其尊主安民之蓄以文太平則神人之所望於公者當何如哉會聖朝褒秩百祀公以大神爲請加封靈濟惠應文澤王廟曰靈濟廟因爲迎享送神樂章遺之使歲時歌以祀焉詞曰隴山青青兮水泔泔神擁元雲兮水立四溟長劍竦天兮摩撫彗星左操赤蛇兮右鞭紫霆有來肅然兮文風流鈴光如匹練兮下委我庭憂絲撞撞兮二八窈婷蒸蕙奠桂兮有椒其馨蘭膏發焰兮氣傍杳冥神具醉止兮厭於羶羶遭世昇平兮有翦有肩神屬心氣兮品物流行明爲正神兮顯號大廷灼灼

神美兮濯濯漢靈下練金軸兮上館遺經兩儀德一分
萬彙清甯惠我關隴兮歲無蝗螟報祀春秋兮何干億
齡

諭祭門尙書文

維洪武某年歲次丙子九月丙辰初四日己未皇帝遣
司禮監典簿楊馬兒諭祭於故禮部尙書門克新之靈
曰大丈夫有志於壯年不得其位不得其祿時也運也
及至高年而貴位六卿居禮曹之首以年較之非時也
尙有運存焉數千里外梨家前來志在榮妻子顯名於
禮縣新志

卷之四

藝文

三

天下食祿於終身夫何未幾老疾日侵久而弗瘳遽然
長往嗚呼命也然死生之道世人之常雖時命之不齊
而壽貴已臨身大丈夫之志可以無憾矣爾其有知服
斯諭祭

李東陽門尙書祠堂記

侍講

鞏昌之秦州有門公克新者洪武初爲禮部尙書卒於
官還葬於秦成化己丑令右僉都御史秦公絃來知州
乃建祠於學宮之前修祠事越數年前監察御史蘇溪
傅君彛實守茲郡崇飾垣宇凡所以供祀者刑部主事

張君瑞國子生馬瑞皆秦人也請余記之謹按大明一統志公起儒生爲州學訓導遷左春坊贊善擢禮部尙書又聞張刑部言公在太祖皇帝時嘗奉命爲長江萬里圖記殊見眷賞其卒也上親諭翰墨遣中官諭祭其家仰惟高皇帝之聖神睿哲攬天下才智豪傑之士甄擇而用之雖寸長片善不得以遺於世而其進退黜陟尤有非庸人所能測識者門公起儒學登台輔得千載一時之遇非其材器足任其用惡可以倖致載愚也後生寡識不能考見故老之德然於諭祭之詞亦可以伏禮縣新志

卷之四

藝文

十四

觀聖意於萬一矣門公雖顯而功業未著以沒鄉里之祀誠有不可得而闕也秦公之貽謀傳君之舉墜其鄉士大夫爲之左右相助以成其美皆可書也故記之按尙書門公故里原在縣南三十里漢陽西山之下里前有一清河土人至今名曰門公河洪武時禮未建縣原屬秦州至成化九年始割秦州十九里置禮治故門公雖生長漢陽而祠堂立於秦州云

胡纘宗府城里公館記

中丞

惟柱御史巡按於諸郡縣乃建御史行臺參政或參議

分守憲僉分巡於諸郡縣乃建布政按察分司蓋行臺
分司皆備以駐節間有郡縣不能一日至者於其中道
必建行館亦備以弭節然駐節則侍御觀風參知敷政
憲僉提刑弭節則侍御採訪參知憲僉咨詢而臺與司
不徒建也隴西屬邑禮成西之間程非一百每於禮邑
府城鎮暫止之乃或就郵舍或就民舍夫郵舍陋民舍
褻上何以蒞下何以承弗便有年矣嘉靖甲辰參知高
君白之侍御朱君乃下禮邑度其處云禮之紙坊鎮可
乃屬禮邑尹高君光於其坊建侍御行臺一於其左右

禮縣新志

卷之四

藝文

五

建參知行省一憲僉行臺一乙巳之初高尹發所請贖
金若干鎰鳩工及丁伐木及石質坊中隙地分建之中
建行臺其臺偉如其退省堂洞如其內外左右序如其
重門懍如左建布政分司其堂其退省堂其內外左右
序其門如行臺而麗次之右建按察分司其堂其退省
堂其內外左右序其門嚴肅成相若起工於若年首訖
工於今歲暮春不數月行臺館成而參知君因屬李節
推慧酌諸使節自成臨若坊者供仍屬成自西和臨若
坊者供仍屬禮自平落臨若坊者供仍屬若驛蓋坊東

七十里爲成南百有十里爲平落西百有二十里西和
乃著爲規高尹落成之日乃俱以復於參知憲僉賈君
咸曰可以弭節哉轉以復於侍御張君亦曰可埋輪哉
蓋自是諸侍御君止於臺若稍暇也豈不思所以持綱
執憲者務求光明正大而監察之下吏不歸於正民不
歸於厚哉豈徒觀美已哉諸參知君止於其處抑豈不
思所以屏翰者而旬宣之非公莫秉也諸憲僉君止於
其處豈不思所以貞肅者而訪廉之非明莫察也吏不
服其貞民不服其平哉豈徒止息已哉高子謙尹禮以

禮縣新志

卷之四

藝文

六

禮教以德化循良之不一而建是臺之完美其一也以
予於嘉州有一日之雅屬予記予嘉其作之之省建之
之速原其始末記之碑勒之石以告乎嗣是宰禮者俾
勿墮

岳呈王建關帝廟碑記

邑令

帝之威靈炳矣赫矣堂堂正氣亘古常新懍懍英風迄
今如在奚必以繪圖顯揚詡大哉惟是當經營之始俟
望廟之東鄙光芒烟爍如霏如霧衆駭而異之曰此中
必有珍奇異物久埋沒而欲試者厥明果得一青銅寶
刀重百鈞有奇恍惚若昔所稱偃月刀者噫嘻其世所
希覲哉因舉而豎之於殿右蓋觀者如市焉一時縉紳
父老黃童白叟僉合掌禮瓊競傳爲帝之顯靈也神物
之呵護也用是捐貲鳩工爭先鼓舞若正殿若兩廡若

禮縣新志

卷之四

藝文

七

庭與厦若門與坊輪奐聿新樂觀厥成巍巍乎坐鎮一
方默佑萬姓端有賴於茲矣聞戊午秋霾風淫雨洪水
滔天澎湃溷渤忽從西北來幾陷我城池甫踰時而風
清日霽波濤不起城垣屹立皆帝之神庥也微帝而民
其魚乎是帝誠有大造於禮民而民且忘帝力於何有
嗚呼帝之忠肝義膽無地不遍滿無人不欽承天嘉何
幸獨鍾靈以至此哉是廟創於萬厯戊申年七月吉日
完於己酉年春季忻州趙公倡義於先古襄劉公上饒
鄭公助成於後均之爲民祈福之心也謹並記之以昭

盛事以垂不朽云

沈成龍重修栢林寺碑記

栢林寺創建於大宋寇火於大元迨及我明栢盡剝咳
塔存灰跡然其山河嶠嶂形勢鬱蒼不失爲古剎瞿曇
第風雨穿剝莓苔芘翳工大不敢輕議興作突有住持
僧呂德徑者懇爲化緣挺衆力而重修工起於天啓三
年之哉生明而落成於崇禎三年菊月之斗躔巍然燁
然一帶風景亦鞞鞞生色矣意者佛力默爲之護持也
未可知也擇於次歲如月望日大修道場完懺厥工仰

禮縣新志

卷之四

藝文

六

僧呂如清上人同住持問記於成龍子余呀之曰義舉
耶幻舉耶以爲義舉而昌黎伯何至忤犯憲宗以爲幻
舉然何自明帝以來演傳經書五千四百八十卷藏而
龕之者丹砂黃金文珉香木窮極俊麗無間賢愚況白
馬青龍鷲峰鴈堂水晶城青蓮界相傳不可泯滅彼豈
盡皆非歟大抵佛菩薩之普度大千無非慈悲一念如
古聖人禹稷伊尹一以天下之溺由己溺之一以天下
之饑由己饑之一以匹夫匹婦不被堯舜之澤者如己
推而納諸溝中總是慈悲所爲吾道浮屠何有兩操無

奈釋執於空而不知空者空天下之實儒執於實而不
知實者實天下之空李白不云乎金繩開覺路寶筏渡
迷川在不必空不必不空不必實不必不實惟妙虛實
而超悟之行將聆梵音而覩天花一燈燃萬燈鬼神且
服役矣幸毋爲野狐禪所迷也可成龍子儒而釋者也
承諸檀衆比丘之懇請直掃鐵門限而記之以存云

國朝

何承都重修祁山武侯祀田記

觀察

壬辰孟冬承都奉

禮縣新志

卷之四

藝文

十九

命兩河巡行天水道經祁山謁侯廟覽形勝四峯簇擁兩水
環帶東則關山雄峙西則五涼上流蓋秦蜀之要道而
中原之資武也六出斯地攝司馬之膽舒炎精之微俾
叡懿終其身不敢窺巴中半步者六出之威有以壓之
也余讀少陵詩伯仲伊呂然爲伊呂易爲侯難伊自還
桐功成身退矣呂八十老叟榮邱封矣侯負孺子以控
魏吳間矢志恢復王室一日不敢忘漢猶周公不敢離
成王也詩曰高山仰止景行行止雖不能至心向往之
旣睇榱桷几筵而重新之復謀香火祀田而綿構焉爰

爲之記

羅廷璋重修聖泉寺記

嘗聞名山大澤中有靈憑焉能吐雲吁雨以利民濟物者一方之人則創以寺塑以像供以香火歲有常祀爲其有感必應且以禦災而捍患也禮邑有聖泉寺者去城十里許建自大明洪武間又神宗時居人重整新而廟像丕變亦不知是寺與泉之能利民否能濟物否但自余承乏天嘉三年春屢遇旱邑之父老皆從事於祈禱問土俗或迎神或取湫俱弗之應余不甘食不安寢禮縣新志

卷之四

藝文

三

煥然爲之一新以觀厥成乃祈予爲之記以垂弗朽余曰吾歷海內之名泉衆矣或以廉稱或以清著彼錫山之惠非不甘矣靈隱之冷非不勝矣止於適口體耳目與民物無與焉予所不重未有能吐雲吁雨以利民濟物若斯泉之盛者此可見命名之非誣而聖澤之及人終未有艾也若夫秋色平分月光皎潔不過壯遊觀之樂誌風景之佳亦惡足爲聖泉重

牛運震重修至聖廟記

惟天生大聖孔子經緯制作與世無極帝王右享典祀禮縣新志

卷之四

藝文

三

匪懈自京畿州郡縣衛大小內外莫不虔事以堂以室悉嚮悉當禮縣舊領秦州之一大鎮所也初縣之初廟舊在錦屏山之麓順治中改卜於縣西嗣復遷於所城東北街素王之宮乃有定宅然而廊廡湫隘椽桷頽墜殆不足以安靈爽歲久日深風雨岌岌又動盪之諸蒞斯土者瞻拜宮牆每爲浩歎事惟因陋人難慮始自初有廟迄今七八十年蓋未有慨然發憤更鑄新宮以發皇聖教於無量者也江南程侯乾隆元年來旣謁科禮之縉紳士大夫而謂之曰孔子廟在州與社稷埒今禮

廟若此余有司及諸大夫之恥也俱孔子裔屬有聖弗崇縣何以爲禮且

朝廷尊揚聖教至厚極隆禮雖邊邑安得獨闕廢於是禮之紳士吏民人等咸翕然一辭樂聞其興也捐輸金貨勸登工力採石於鐵峽選材於岷嶺鳩工於乾隆四年夏四月落成於五年春三月自崇聖祠大成殿兩廡戟門奎文閣櫺星門以及名宦鄉賢祠宇之屬靡不規制釐整燦然更新此皆程侯倡率督勸而禮邑士大夫趨德慕義左右効命之力也予孔子之國人也生長近先

禮縣新志

卷之四

藝文

三

聖里居甚幸誦其書習其車服禮器甚親且久竊見大道昌明至教洋溢天下邊陲荒遠之邑皆有孔子廟誦法孔子而爲長吏者皆宜有以虔厥報於本源而大振其文教然而簿領秦安於茲五載局促職守病且未能乃程侯獨能勤思於斯文根本之地動發財物爲禮邑煥炳其文德永永勿替不亦昌乎自茲以往惟爾禮士仁讓蒸蒸含真躍采以講進於德行道藝之士爲

盛世

禮樂名區孰非程侯力哉然亦賴乎禮士大夫砥礪以有成也予嘗以公赴禮陪程侯謁於斯廟瞻其闕廟宇

而爲是言

朱元裕重修至聖廟記

邑令

竊惟庠序學校三代所以明倫刪定贊修千古垂爲絕業理學之淵源不遠文章之道脉常新祖述憲章本神靈之天縱金聲玉振合仁智於性成故我

夫子爲萬世帝王之師自唐貞觀開元以來封號疊加天下已無無學之區至我

朝歷聖相傳心源遙溯尊崇之典視昔愈隆猗歟盛哉若乃正典禮興廢墜責有攸歸守土者毋容旁代者也余

禮縣新志

卷之四

藝文

三

辛酉三月調任茲土恭謁

文廟見其規模宏敞殿宇崔巍彩色輝輝金光燦燦兩廡之位置咸宜

啓聖之神靈妥侑櫺星魁閣俱見維新名宦鄉賢無不整肅今廟貌若此不知守土者幾費經營矣是真所以尊聖賢而勵德造也惟是於何始之於何終之未嘗勒石以記其事不幾使經營締造之苦心泯沒無傳也乎不禁惆悵久之適邑之明經潘超者以學宮記畧見遺囑予爲記隨並考其故志因知禮邑城治創自成化建學於

古舊城復遷於縣南之西關至我

朝順治丁酉說者謂學校重位置關廂非宜也故遷於所
城舊址規制尙未美備康熙二十一年西蜀萬諱世偉
以進士官是邑爲之補建其局面又覺備具至康熙五
十四年復漸傾壞署任徐諱言者浙之武陵人也嗣而
葺之迄今二十餘年漸又摧圯雖屢請重修未果歲戊
午殿南崩塌前令程諱鵬遠江南通州人儒學郭諱九
同陝西高陵人互相率先捐俸集通邑諸紳士量力捐
輸興工於己未之三月告成於庚申之六月盡將舊制
禮縣新志

卷之四

藝文

一

之卑隘者擴之缺畧者補之棧桷峻嶒居然壯觀朱丹
塗聖煥乎輝煌奎光壁耀聖妥賢安無不盡善盡美惟
因魁星閣上彩筆峰頽文光朱透爲之插頂連雲氣凌
霄漢又以泮水池中清流源涸汲浪無由爲之疏溝通
洫濡潤英華將見採芹之子弟三千衣冠濟濟折杏之
賢豪七十科第翩翩人文之盛基於此矣余固厚望焉
遂不揣固陋畧敘其事而爲之記

方嘉發建立義學記

邑令

今上聖神相繼文德覃敷自京畿省會以及大小都邑無

不建立學校以育英才思綦渥矣而禮邑獨缺焉弗有甚非

聖朝作人雅意也嘉發泚禮之次年秋幸雨暘時若而歲序豐登也民得養矣亟宜教之因購地於縣署之西偏鳩工庀材以築之不一月而講堂告成至若諸生房舍亦將次第興舉焉夫崇儒重道使人文化成

朝廷之教思也宜

上德意而立學造士司牧之職任也嘉發懼忝厥職而拮据以創學校諸生敬樂其中務宜斯征斯邁以明道希文禮縣新志

卷之四

藝文

三

自相期待庶見蔚爲王國之華而無負作人之雅化焉因顏其堂曰遜敏以勗之用勒諸瑣云

劉方雷義學記

巡道

書言惟教學半各盡其半而後相與以訖於有成故德成而教尊聖人之教兼文行後世流及衰微而教者率者一趨於文其皆沿周末之失與周初以前唐虞夏商文實兼行如堯文思舜文明禹文命湯懋昭文王不已孔子在茲皆衷乎德行以爲之文至於析文行而岐之聖人不能挽而復古惟爲之區其後先輕重使教不衰

微學不膚末以爲人心風俗之防焉已矣秦州禮縣方嘉發爲人古質由廣東進士官斯邑首矧義學出所學以教多士諸生之列高等與夫應童子試而補學官弟子者率不出其所教而爲前此所未有方令邑喜以爲教其有效乎多士亦從而功之謂非縣父母之善教不及此焉以爲感予謂縣令之可喜多士之可感有更大於此更重於此者此直數學中半之半耳而卽於半之半求半之全由文趨行由士及民由養興教永圖之巽人之漸被之上焉身禮教於官師下焉風禮治於士民而禮縣於

禮縣新志

卷之四

藝文

三

盛世爲不虛名吾不知喜與感者更當何如其將自茲蒸蒸

而各有以自喻乎

方嘉發供文昌祀田記

己巳之夏闔邑公置地租是舉也雖耆庶尙義而溯其由來實出於賢侯方父母清廉仁愛之所賜蓋九月十二迺賢侯誕辰也闔邑士庶感侯之教養有成各出芹儀爲之躋公堂而介眉壽在民沐膏咏勤方以羔酒微禮不足報德於萬一而侯約已厚下祇謂職分宜然何

以費民之分文雖懇留再三仍壁辭不受爰以十五千之數購田於四平山之下歲收地租四時以供

文昌大帝香燈之用向非侯清操性成軫恤恩厚烏能有此義舉哉用是陳其始末勒諸瑣珉庶義田與義學永守勿替云

秦瑗建修文昌宮碑記

邑令

國家右文重道雅化作人自京畿州郡縣衛莫不有

文昌帝君祠廟嘉慶六年我

皇上復詔示天下特享

禮縣新志

卷之四

藝文

三

帝君以太牢體制與

文武廟符郁郁乎盛哉典至鉅也第禮邑向無專祠有廟在中街奎星樓上湫隘囂塵而欲籩豆攸設禮儀無愆不能也故每逢祀期則當街拜獻望空成禮甚非所以妥神靈而昭祀典也余莅任茲土每遇祀事不禁浩然發歎思欲捐廉購地以作新宮緣迫公務匆促遲之又久會己巳仲春丁祭之後集紳士於學宮籌所以立新宮者咸欣然樂從而里民等亦以爲一邑盛舉文風所關無不踴躍樂輸遂於是年二月卜地擇吉鳩工庀材於

今年庚午五月落成告竣自後殿而正殿而儀門而頭門無不犖然悉具煥然可觀欣看柏梁旣崇與巒亭以並峙靈光大起借翠峰而齊輝幸瞻拜之有地樂文教之日興而與

國家右文重道雅化作人之至意不無少補爰撮其始末而爲之記

潘廷鳳建尊經閣記

自古學校之設所以端士習振文風也顧士不通經不足以爲士文無經濟不可以爲文我

禮縣新志

卷之四

藝文

三

國家右文稽古凡府州縣學宮莫不建尊經閣以道揚經術表章聖訓焉乾隆乙卯冬余秉鐸禮邑瞻拜宮牆見一切

欽頒經史等書咸置

至聖殿中而獨無尊經閣噫此誠缺典也余謬膺司訓而於古聖經學之傳能不思所以尊崇哉爰集諸生議建僉曰善惜工多不易爲力余曰積水成澤積石成山天下事畏難者苟安有志者竟成何患力之不足也於是相其地於明倫堂之前捐俸築其基然後告我紳士及邑

中父老無不欣然樂從隨即購木石覓匠工而經營之
越半載而始成成之日謹將經史子集皮之閣中其敢
云媿美天渠荒經蔑古之誦庶幾免歟諸生來爲余賀
曰先生此舉不惟壯一時之觀瞻實足端士人之向化
振百世之文風也余曰是宜爲諸君賀耳余何與焉禮
邑二十餘年久不發科斯閣工竣之次年歲在戊午卽
有高捷秋闈者是果理之有感必應耶抑亦事之會逢
其適耶要之奉遺經者必當尊之若神明斯閣之建非
余之好事聊以補前人之未逮耳計興工於嘉慶丙辰
而充之俾禮之人文蔚起蒸蒸日上余實有厚望焉

朱檇建禮興書院記

邑令

余黔中下士兩次代庖茲土見山輝川媚士秀民勤每
思振興文教奈歷時無幾有志未逮不無歉然歲丙戌
夏南軒黃明府以鄂渚名士來綰縣符甫下車卽以整
飭學校爲先闢書院舊所湫隘卑狹毅然有更新志於
是捐廉倡率另購基址鳩工庀材次第修舉不日告成
邑之紳士翕然興誦曰賢哉我侯不愧言偃文翁之雅

化矣區曰禮興夫禮者邑之所以命名也無以興之則人亦闕焉不講矣茲明府獎賊而振作之將士風純而民氣厚豈復慮城闕佻達之不丕變而說禮敦詩之不古若哉抑侯能先務其大則其忠信慈惠之實政必有以福禮之士民者邑之人皆能誦之毋庸贅謹跋

重纂禮縣新志卷之四

詩部

唐杜甫鐵堂峽姜維故里

山風吹遊子縹緲陳險絕峽形藏堂隍壁色立積鐵徑
摩穹蒼蟠石與厚地裂修織無垠竹嵌空太始雪威遲
哀壑底徒旅慘不悅木寒長冰橫我馬正骨折生涯抵
弧矢盜賊殊未滅飄蓬踰三年迴首肝腸熱

王仁裕翠峰寺

尚書邑人

躡盡懸崖萬仞梯等閒身與白雲齊簷前四顧羣峰小

禮縣新志

卷之四

詩部

掌上平分落日低

明詹理遊翠峰寺

御史

並轡上方遊偏驚物外幽千峯凌漢出一水帶雲流鐘
磬僧齋午風霜客鬢秋何由謝塵迹飛錫卧山頭

其二

尋芳來古剎雲鎖翠峰橫松落千株影泉飛百道聲野
僧不知姓山鳥自呼名回首歸城郭猶聞鐘磬清

王教祁山堡

大參

漢壁空山裏茫茫倚夕曛文章回草木劔戟厲風雲炎

祚終難復斯人亦已勤出師留二表涕泣至今聞

胡明善謁武侯祠

御史

卧龍扶漢室躍馬扼秦原星落干戈死山空雲鳥存昏
鴉啼古樹秋水咽荒村愁讀出師表淒淒傷我魂

鄭鵬諸葛轅門

御史

夜半文星殞將營仙踪此日赴蓬瀛風雲忽變雄圖去
龍鳥猶循故壘行空谷秋深惟古木叢林春到有啼鶯
山椒風雨瀟瀟夜苦憶當年戰鬪聲

鄭存仁登祁山

御史

禮縣新志

卷之四

詩部

二

曉發西和道暮度祁山嶺荒臺照眼明狂風吹面冷

國朝鄭國仕登祁山謁武侯祠

御史

斜日沉沉古廟幽武侯禋祀幾千秋數家瓦舍連成壘
一派清流遶舊洲官道徒存留馬跡佳城猶似卧龍遊
老天何事不延漢五丈原頭星夜流

其二

秋杪驅車經故祠仰觀遺像意淒其一心惟冀炎漢祚
六出那停吞魏師野樹啼鷓悲壯志客途遊子歎麟碑
行間忽憶三分事灑淚英雄值運移

其三

扇羽巾綸風度殊胸中兵甲邁孫吳三分定鼎明天道
二表出師爲主孤星隕當年雖負憾忠流千載有餘模
祁山懍懍存生氣報德何如祀蜀都

其四

祁山千古勝蜀相祠嵯峨江霧浸阿隱陰風逐殿過三
分餘故壘八陣老干戈天意不興漢出師將奈何

房思哲天嘉福地

邑令

鸞亭山麓起琳宮佛慧澄光結締竦下瞰層城覆短屏

禮縣新志

卷之四

詩部

三

遠環疊水繡長茨振衣直上紅霞隊擊磬疑通紫絳空
誰爲天嘉開壽域華嚴皈禮喜攸同

房思哲赤土顯跡

堦城山峽兩河灣孕毓靈山峙險關鸚鵡口啣漬血色
鳳凰毛落染丹顏殞星謾說非天劃遺跡還疑是鬼頑
頻愛登臨非攬勝臙脂無恪饋雙鬟

房思哲西江感應

西江汲水滌胃腸仁裕詩名赫後唐砂石一朝成篆刻
紫泥下古煥縹緗塚頭談易成昏昧鶴背飛仙更渺茫

何似木天清署客負薪入夢悟文章

房思哲堙土無影

豫州分野號天中無影臺傳在嶽嵩隴右地偏背宿異
縣南土壘日光同扶桑昧谷言或謬圭土璇璣法盡窮
渺渺化工無際極誰能思議測蒼穹

房思哲翠峰禪寺

翠峰開嶂畫圖佳古木臨窺香木堙老子菴高孤月迥
仙人洞矮積冰埋知時山鳥棲松牖愛隱荒廩卧草涯
迦葉譚經入定後白雲直使掩幽齋

禮縣新志

卷之四

詩部

四

房思哲元宵神燈

大士殿前幡影飄蓮蕊遙與赤山招琉璃映徹三千界
瓔珞輝騰十五霄傳說西江燃寶炬疑觀南海起肝潮
光明爭視團圓月莫作流螢翹上燦

房思哲聖泉夜月

五里城南有聖泉波沉石底鑑光圓木梢不作魚龍宅
月望能將星斗纏好協玉衡測象緯謾誇犀燭照深淵
睿光那照幽房下果是人間有九天

房思哲廣福玉像

石藏玉像自天然精幻神僧草市眠乞食柏林稱癩子
爲霖沛土散花天雷聲似運斧斤巧霞彩疑披塗聖全
刻盡茗華心在用豈矜白壁出藍田

房思哲顯土無痕

顯土崖上觀音閣傳是班輸結構成鵝鵲階前月魄皎
芙蓉城裏佩環清一椽直插雲霄近半夜誰聞斧鑿聲
貝葉成橋饒法律瓊宮無自說崢嶸

房思哲雷王丹灶

青山有姓住雷王絕穀留藏煉藥鐙岐伯難擅活虎技
禮縣新志 卷之四 詩部 五
巫咸可共點龍名風雲映帶丹霞色樹木醞合酒液精
一出長安醫帝子到今鴻術濟羣生

房思哲黑峪懸石

深峪崖頭巨石懸動搖止許一人牽漆光疑滲羲之墨
堅重曾裝陸續船明月秋深凝墜露輕風春晚蕩翔烟
比觀獨活思生理木石靈奇未易詮

劉方藹謁祁山廟

觀察

勝地登臨景色幽武侯事業震千秋依山立壁埋芳草
指土爲糧遮綠州歷數將終逢主暗興師未捷已仙遊

祇今寂寞遺孤廟帶恨河聲一水流

其二

漢賊安危志肯岐氣吞北魏幾興師
祁山誓死忠臣表名士先聲大將旗
五丈原頭龍虎集八門陣外馬牛奇
中華定鼎空籌策魚水蕭條盡瘁時

林之望寓報恩寺咏牡丹

巡道

粥鼓鐘魚浴佛晨征衫小住欲經旬
邊城正值清和月福地初迴富貴春
幸免樵蘇相翦伐仍資灌溉莫逡巡
尋芳不厭禪關冷法雨慈雲護此身

禮縣新志

卷之四

詩部

六

王佐和牡丹

舉人

梨雲桃雨潤芳晨一駐蘭倉又一旬
金地香涵金粟影玉堂人醉玉壺春
豪吟雅韻鶯難和愛看名花鳳欲巡
逐寇勞師千里外棟梁應仗老臣身

張際昌和牡丹

典史

清和已過豔陽晨千羽盈階正七旬
大地名花千幃錦諸天法雨四時春
詩留紗碧閣黎護樹愛棠甘召伯巡
膜拜老僧驚不起如來金粟是前身

林之望寓報恩寺祈雨

四山多風日杲杲早苗如焚畏晴昊出山雲來風橫吹
欲成甘霖苦不早軍符火急困轉輸我來留滯秦山隅
設壇率屬賢宰俱天心愴念民未蘇羣神上訴需雨急
潛龍踏雲起呼吸雷聲殷殷風習習須臾四郊澤遍及
麥秋已近占乃粒微臣德薄敢貪天瘡痍未復猶烽煙
安得霖雨常救旱調和玉燭屢豐年

郭履泰咏邑侯魏公招集商旅

拔貢

邑人

績著循良嘉惠蘭倉恩勤者衆撫集者商柔遠能邇保
我無疆何以誌之永懷不忘

禮縣新志

卷之四

詩部

七

其二

商人歲來于今兩載癸丑初招甲寅不改新荷滿池大
貝盈海賓至如歸賢聲所在

其三

不遇茂林羣鳥焉寄不遇深淵游魚安萃欽惟賢侯清
風高致往者思來留者誰棄

其四

伏聞古訓夙仰慕羶邑不在大民歸乃賢四境安業一
邑鳴絃相期承繼于萬斯年

黃凱遊翠峰

邑令

不住遊觀過小橋山坳木曲馬蹄驕平疇麥捲黃雲浪
古寺門添白雨潮雞黍幾尊分野况人烟一縷出林梢
漫言勝地無緣到翠柏蒼松入望遙

黃凱遊天嘉福地

地僻荒城小山深古寺幽禊修今日會景勝昔年留日
暖鬆花甲風和滑鳥喉遠村環柳岸曲澗亂溪流放眼
看塵世開懷唱酒籌此間真福地媲美右軍不

徐作霖謁祁山武侯祠

邑令

禮縣新志

卷之四

詩部

八

祁山讀罷武侯詩尙想先生六出時全蜀已安劉社稷
中原本是漢城池阿瞞北魏無遺塚諸葛南陽有故祠
正氣于今歸白帝何須成敗怨姜維

張紘陰平橋懷古

訓導

當年曾表護橋頭扼要先持第一籌斗胆雄圖懷伯約
稱心遺計出鄉侯地經魚貫千軍渡路入蠶叢一綫幽
銜璧出迎真下策空教人笑老謀周

王彭齡祁山懷古

舉人邑人

曉發木門道暮登祁山堡不見當年出師人祠畔年年

生荒草憶昔靈獻漢之末豎卓逆氛不可遏曹瞞接武
覆國家羣雄蜂起肆爭奪天授先生王佐才藏器待時
臥草萊漢皇渴懷勤三顧不數燕家黃金臺三分大勢
瞭如指巴蜀一定成鼎峙控制魏吳不得逞其志漢皇
不壽事已矣白帝遺命涕泣受漢賊兩立心不平自任
思展補天手託孤寄命君子人命也無奈遭陽九嗚呼
一木難支大厦傾况復星隕五丈營禮樂未興身先死
空留二表鑒忠誠君不見先生之後文信國事去空嗟
遠不力自古英雄少成功昂首問天天默默

禮縣新志

卷之四

詩部

九

敬和

南軒黃明府遊翠峰原韻

郭人傑

恍入天台渡石橋青青河畔馬蹄驕山圍蓮界雲拖地
濤瀆松間雨弄潮烟火幾家歸眼界鳥聲千囀出林梢
蓬萊仙境終能到鬱鬱蒼松望不遙

夜遊翠峰七言律

任紀瑞

約看今宵月色明幾人願止幾人行坐圍苔磴塵根淨
味傾松華夜氣清古寺懸燈熒半壑危峰銜鏡蕩殘更
且吞綠蟻吟唐句此際誰知物外情

天嘉仙樂

蜀西縣
竹人 雷文淵

琳宮曾否住神仙古石筍中雅韻傳漫聽哀絃來簪壁
翻疑廣樂奏鈞天高山流水參真契明月清風淨俗緣
爲問幾人能管領審音悟到上乘禪

鸞亭瑞霧

一氣氤氳辨不明嵐光霧影共縱橫溟濛豹隱千重合
縹緲鸞翔五彩縈出岫連雲增瑞靄崇朝沛雨濟蒼生
弗迷何待南車指願步層峯頂上行

漢水春波

禮縣新志

卷之四

詩部

十

曾記觀瀾廣漢濱源探嶧冢本清淪東風巧織漣漪錦
旭日微烘淡蕩春溪澗流添分燕尾崖城波合楚魚鱗
願將水鑿同民鑿好挹西江澣俗塵

祁山暮雨

祁峯巍峙幾千秋秋雨勢瀟瀟薄暮稠故壘當年朝走馬
平林此日晚鳴鳩照川霓映殘紅落繞漢波添淺白流
我愧子安滕閣宴西山簾捲恨勾留

聖泉夜月

涓涓貼地寒泉湧皎皎當空皓月懸木杓蟾輪光滿袖

波涵象緯影連天出山竊恐清成濁對鏡幾經缺又圓
樂早我曾殷乞禱幸分膏澤潤農田前因旱借同寅詣
寺祈禱取水設壇
是夜卽沛甘霖
幸慰三農之望

翠峯松濤

層巒疊嶂翠森森松際濤聲出茂林帶雨蕭疎寒夏玉
臨風斷續韻敲金鶴吟疑和宮商曲鱗老猶存鐵石心
如此大材幽谷困搜巖能否遇知音

雷峯夕照

一峯特立勢屢屨憶昔雷王煉汞時丹竈尙餘香冉冉
烏輪徐度影遲遲半山雲壓斜暉淡五色霞烘晚照奇
欲覓勾砂回老景到頭誰挽隙駒馳

神泉古洞

三千界裏共飄蓬靈境誰探峻嶺中泉隙四通橫雁齒
洞天一線闢鴻濛問奇恍入娜嬛地得路疑窺碧落宮
我亦暮年思勇退尋源可許訪仙風

天嘉仙樂

餅裏何曾聚衆仙樂聲卻共羽衣傳鸞笙暗度常明界
鴈柱如揮碧落天靜夜臨風增爽籟廣寒步月悟前緣

禮縣新志

卷之四

詩部

十一

恩進
王思溫

未知暮鼓晨鐘後幾次情移入定禪

鸞亭瑞霧

斷隔斜陽照晚明鸞翔猶帶霧縱橫
翻添風力扶搖上岫挹煙光左右
縈隱豹暫爲完素履從龍轉盼慰蒼生
若看振采飛鳴意須製指南計遠行

漢水春波

活潑天機具木濱每臨西漢羨清淪
千層巧借東風力三折頻分南浦春
派接崖城翻雁字流洄畎澮灌龍鱗
濯腸特喜端倪顯滌盡古今無限塵

禮縣新志

卷之四

詩部

十三

祁山暮雨

甲洗祁山不計秋連番回望暮雲稠
烟中莫辨人驅犢壘畔偶聞婦逐鳩
圖繪瀟湘形並肖痕添漢水派同流
想因龍卧施膏便卻異巫神數點留

聖泉夜月

激濁揚清號聖泉凌空倒影月常懸
波涵玉兔浸長夜影漾冰輪碾半天
廉讓漫言同品格冲虛到底肖靈圓
若教離畢容光照預卜甘霖溥大田

翠峯松濤

鬱鬱巒頭翠木森
濤聲浙漉出松林
乍疑鯨浪珂鳴玉
旋併魚鐘地擲金
有籟常懷先發意
成鱗不改後彫心
臨風自寫清高體
爲問幾人能賞音

雷峯夕照

雷峯險絕更屢屨
洞闢仙人石隱時
竈望巒頭仙跡渺
樵歸谷口夕陽遲
疎烟繞樹巖俱晦
返照銜空嶺愈奇
惟有丹砂能駐景
休教夸父騁驅馳

神泉古洞

萬木森森等茁蓬
靈竒恐洩洞天中
虹橋倒卧泉聲亂
禮縣新志

卷之四

詩部

七

鳥道潛通霽色濛
絢彩齊烘金粟影
尋源恍入玉虛宮
我生欲著登山屐
遍訪鄉媪覓古風

天嘉仙樂

歲進
士 韓書雲

古剎原來境是仙
羨他衣鉢有真傳
瓶成巧製資卷石
樂譜新聲播洞天
世外清音符水調
箇中雅奏淨塵緣
蘭倉景勝多佳妙
傾聽移時等坐禪

鸞亭瑞霧

側峯到眼望分明
鸞峙遙空亘古橫
似覽德輝翔集慎
偏多瑞霧淡濃縈
丹厓瞥見凌虛起
甘澍旋看向曉生

莫以名山容豹隱作霖定卜應時行

漢水春波

洄溯漢陽到水濱
滙流元氣歎渾淪
地連陸海雄諸夏
波撼山城湧暮春
日夜滔滔驚沒鶴
天風浪浪聚游鱗
觀濤應有詩人賦
快讀瑤章撲斗塵

祁山暮雨

祁山故壘鎮千秋
賸有居民比戶稠
暮色可曾添去雁
雨聲偏似雜鳴鳩
騷人此日催詩興
名士當年據上流
願祝瓣香瞻廟貌
感多遺澤至今留

禮縣新志

卷之四

詩部

古

聖泉夜月

清澄澈底愛源泉
依樣分明素月懸
洞裏每當三五夜
壺中別有九重天
影形莫辨雙眸炯
今古總成一鏡圓
蟾窟儘堪人並到
可曾仙樂譜田田

翠峯松濤

迴環疊嶂氣蕭森
雲樹紛排擬鄧林
忽聽濤聲翻若水
頻看松色翠于金
鸞吟時度臨風曲
鱗老常懷捧日心
客子登臨常懷烈
靈胥到此孰知音

雷峯夕照

山城相望勢屢屢燦爛峯當夕照時鴉背帶多光閃閃
鳥聲噪急影遲遲戈揮三舍如開霽寺占層巒獨闢奇
更有餘霞曾散綺照他村落不西馳

神泉古洞

莫言塵世總飛蓬神漢源尋古洞中此地有泉來腐沸
何人探穴入溟濛清流每著玲瓏象仙界居然兜率宮
廉讓天成無別派詩脾可沁仰宗風

天嘉仙樂

蜀西雷文泗

叢林未集廣寒仙孰意清音午夜傳幾度聲諧流水曲

禮縣新志

卷之四

詩部

五

連番響過碧雲天鐘魚粥鼓攙凡籟迦鳥曇花證夙緣
我憶良宵曾駐足臨風領畧勝參禪

鸞亭瑞霧

隱隱鸞亭瑞彩明乍離乍合霧交橫渾疑丹嶽祥氛繞
恍迓銀山積素縈漱水乍看騰藻耀作霖應待慰芸生
披開不至迷三里快靚青天攬轡行

漢水春渡

幾度尋芳漢水濱大波瀾渙小波淪銅鉦日映三篙暖
篆籀沙融滿岸春鴨泛花茵時啜啜魚吹柳絮聚鱗鱗

浣腸若兆西江夢定洗胸中五斗塵

祁山暮雨

非關一雨報涼秋日暮祁山點滴稠隔嶺風催飛石燕
連村雲擁喚林鳩軍威六出遺踪渺晚漲三分夾岸流
記得捲簾同玩賞叢祠曾共客稽留

聖泉夜月

一派寒泉蓮座湧三更大月桂宮懸冰輪彩綉長明界
石磴波搖不夜天掬水源探千頃活舉杯影對幾回圓
汲歸好把銅蟾注分潤應教到硯田

禮縣新志

卷之四

詩部

七

翠峯松濤

山面松排輦翠森蔥鬱鬱自成林濤聲浩蕩生巖壑
風韻悠揚戛石金棲鳥偶驚添爽籟蟠虬猶且見貞心
深山歲月經磨鍊材大何難有賞音

雷峯夕照

雷峯亘古極厓巖回憶仙踪羽化時蕭寺影斜鴉噪急
林陰照晚鵲棲遲丹沈香鼎痕難覓紫襯煙綃景倍奇
我愛餘暉深眷戀莫教驥步任奔馳

神泉古洞

塵海茫茫嘆轉蓬
神山悵望白雲中
泉流地湧松橋迥
洞裏天開草味濛
仙界居然瞻闔苑
梵音何異覓琳宮
尋蹤我擬羲皇上
洄溯應參太古風

天嘉仙樂

干總
李應庚

不同浮響不宮懸
夜靜梵宮廣樂傳
絲竹聲清彌勒座
霓裳韻協大羅天
松風入律增三疊
桂月凌虛渺萬緣
得趣能將凡骨換
曲終好悟木犀禪

鸞亭瑞霧

岩峩山勢俯郊坰
霧影迷離接紫冥
地隔終南疑豹隱
禮縣新志
卷之四
詩部
七
人瞻嶺北訝鸞亭
臨朝雲合千層白
向晚烟含一抹青
待得作霖敷渥澤
應教誌喜比蘇亭

漢水春波

曾從廣漢聽潭聲
况值春來更有情
岸夾桃花紅雨亂
堤搖楊柳綠陰清
鴨頭浪捲晴逾暖
燕尾波添水更平
倘夢西江成篆籀
枕中定擬繞川行

祁山暮雨

祁山六出憶行軍
幾鎖朝煙幾暮雲
快聽雨聲凌萬仞
莫將漢祚嘆三分
急催詩句人懷古
遲捲疎簾客樂羣

蠟屐空看存故壘休因成敗感紛紜

聖泉夜月

月輪照處澄泉湧泉竇翻時皓月懸石罅光盈三五夜
雲根浪接九重天麴塵源靜知流潔星斗輝稀喜鏡圓
若許前身能印證好將玉液潤心田

翠峯松濤

一林礪礪挺蒼松喜聽濤聲出翠峯疊嶂響多疑警鶴
重巒鱗老欲成龍臨風自得天然籟弄月頻攪夜半鐘
如遇知音能領悟有心定賞後彫蹤

禮縣新志

卷之四

詩部

七

雷峯夕照

一峯高插認雲垂煉藥雷王卓錫時每憶藥爐煙影散
猶留柘社夕陽遲駒光荏苒戈難返鳥道縈紆路不歧
覽盡黃昏無限好深宵更喜月光隨

神泉古洞

迢迢仙界隔紅塵孰是探奇証夙因泉水流看空碧活
洞天關認蔚藍新路探瀛嶠凌虛境世間羲皇以上人
我遜讀書偕白鹿尋源應待指迷津

後有續和者

天嘉仙樂

浙江山陰人 趙師炤

何年此處有飛仙遺跡石筍大樂傳雅調依稀聞靜夜
清音縹緲度遙天人來鶴駕懷前事曲協霓裳息外緣
此地憇遊明我耳箏琶洗淨悟參禪

鸞亭瑞霧

蹟溯鸞亭認不明疎疎密密霧常橫旋看瑞霧千峰合
還帶炊煙幾縷紫豹隱深山何處認鸛鳴好雨應時生
卽今糺縷祥輝集奚用指南計遠行

漢水春波

禮縣新志

卷之四

詩部

九

每挹清流漢水濱縈紆一帶愛漪淪岸平乍認桃花浪
洲曲還疑杜若春飛燕掠波微起纈遊魚吹沫細成鱗
不同濁渭當秋湧祇爲源頭淨點塵

祁山暮雨

幾歷春來幾歷秋祁山常帶暮煙稠雲浮故壘曾驅馬
雨捲疎簾乍喚鳩牧犢催歸林欲晦殘虹倒映漢爭流
關心六出尋遺跡蠟屐應教向晚留

聖泉夜月

月光恰映泉源湧泉裡月光一鏡懸倒影靜涵三五夜

激波照澈九重天
臨流恍使澄心印
掬水應看在手圓
霑潤共欣蒙渥澤
蟾輝分注萬家田

翠峰松濤

奇峰聳翠氣陰森鬱鬱蒼松挺茂林
竟日洪濤疑湧水無風細響似敲金
聲添鶴唳頻傾耳幹老龍鱗有本心
避暑隗囂空霸業靈胥應笑少知音

雷峰夕照

高高峰勢甚屢屨最愛登臨晚照時
丹竈猶存仙蹟去青山不老夕陽遲
影翻鴉背和霞漾光射螺髻隱霧奇
馳走西來天欲到餘暉尙自向東馳

神泉古洞

不須靈境溯瀛蓬想像虛無縹緲中
此處流泉穿鳥道何年古洞啟鴻濛
鑿疎應早憑神斧遊陟恍如謁梵宮
福地鄉媛渾宛在穴居猶憶葛懷風

重纂禮縣新志卷之四

附攷

附者何如星有附耳國有附庸皆因附麗而彰此附之之例所由起也若災異縱失祥和而史編必紀拾遺何關輕重而唐代名官以至仙釋總屬靈奇墳墓僅資凭弔厯爲附之雖云並蓄兼收要自前軒後輶庶幾不類而類遺而不遺攷古者何至有殘闕之感歟志附攷

災異

禮縣新志

卷之四

附攷

崇正庚辰大饑民多流離殍殮載道

順治甲午地震木門地方山崩水壅壓漂居民村落川聚爲海名曰海子近復變爲桑田

康熙癸丑雨雹傷禾隴右道陳臺蒸詣縣設賑

甲寅彗星見於西方

辛丑大饑

康熙戊午六月黑峪里土城獲麥秀有三歧者數本

雍正十三年水災

乾隆十一年三月閭井崖城雨雹傷禾牲口

乾隆十三年七月賈家里天降大雨水冲房室及人民
牲畜

嘉慶十五年六月暴雨北關障水隄被水冲頽
道光三年五月暴雨洪濤氾濫漂淹村落田苗
咸豐二年六月暴雨傾盆水溢水隄外眾被災
同治丁卯戊辰大饑餓殍載道

光緒三年荒

光緒己卯五月地震房脊粉碎城堞紛頽地裂水湧牆
屋倒塌無數

禮縣新志

卷之四

附攷

二

光緒七年七月暴雨自縣東長道鎮迤西四十里張家
河等庄斃七人牲畜數十頭冲倒麥磊無算延及東
北永興鎮被災者四十七戶縣主張公詳請賑恤

光緒七年七月近城復大雨縣北障水堤衝刷三十餘
丈

光緒七年六月距城一百六十里西南岳平大潭二里
地大震斃人四百八十口牲畜無數被災者一千三
百四十三戶男女六千二百八十口坍塌房屋四千
八百一十六間張縣主詳請賑項共得錢一萬三千

四百八十四緡有奇以賑濟之

拾遺 山川攷三條 邑名沿革攷一十三條 里名攷一條

仇池有四曰仇池國曰仇池鎮曰仇池郡曰仇池縣漢建安中氏楊駒如徙仇池山子孫世據以為國謂之百頃氏王此仇池國也即今成縣西北七十里之仇池山後魏太平貞君七年置仇池鎮後亦為楊氏所據即今成縣治也晉太元中楊定奔還隴右求割天水之西縣武都之上祿為仇池郡孝武許之其治在禮縣之東南西魏置仇池縣於新州後改靈道隋省

禮縣新志

卷之四

附攷

三

入順政今漢中府略陽縣西北百六十里之仇池城是也

嶓冢山有二一在秦州西南六十里西漢水發源此山漢志所謂西縣嶓冢山西漢所出南入廣漢白水東南至江州入江者也一在漢中府甯羌州東北九十里漾水即東漢水發源此山魏書地形志所謂嶓冢縣有嶓冢山漢水出焉者也

鐵堂峽在天水縣東石笋青翠長者至丈餘小者可以為礪蜀姜維世居此今改隸秦州見成縣志既云隸

秦州禮自明始割州之十九里而成邑則鐵堂峽之
今屬於禮也明矣

秦置西縣屬隴西郡漢志幡冢山在西縣建興六年武
侯屯西縣馬謖戰敗街亭乃拔西縣千餘家還漢中
其地在禮縣東南數十里

景帝時研種羌酋留何率種人求守隴西塞徙之安固
羌道等縣

漢置上祿屬武都郡

北魏太平真君五年於縣置漢陽郡西魏廢帝改爲長
禮縣新志

卷之四

附攷

四

道而縣曰漢陽漢陽之名不一元魏時凡史稱漢陽
者事皆在禮縣成縣

隋煬帝大業十三年薛舉自稱秦帝使子仁越掠河池
蕭瑀拒之李淵使姜暮竇軌出散關安撫隴右暮軌
至長道爲舉所拒瑀遂降後又置潭水地屬成州

唐廣德元年吐蕃入寇陷岷秦等州盡取河湟隴右之
地貞元中收復咸通四年置天雄軍於秦州以王彥
實爲節度使階成西禮皆屬焉

宋置大潭長道兩縣柏林寺廣佛塔有紹聖年號鐫監

岷州大潭長道兩縣酒稅倉草場文今大潭鎮卽其
治所祁山堡西十五里長道鎮卽長道縣治所

南宋陷於金紹興十一年經畧使吳玠用疊陣法敗金
將胡盞復秦州及長道等地

甯宗十三年宣撫使安丙會夏人攻金命沔州都統張
威出天水利州都統程信出長道

元趙武宣領蒙古千戶鎮西漢陽置禮店蒙古千戶元
帥府故址在縣西十里漢陽川子國寶說降吐蕃奏

宜城文州以鎮之遂名禮店文州千戶所在縣東四
禮縣新志 卷之四 附攷 五

十里秦爲天嘉郡

明洪武二年大將軍徐達克慶陽取秦隴陝西悉平置
禮店守禦千戶所

成化九年都御史馬文升請割秦州一十九里另置禮
縣同十百戶各分轄

國朝順治十六年巡按御史劉斗請裁衛所十百戶及鞏
昌衛文縣所西固所併歸禮縣統轄

上二條見舊志

民里中向化慕義二里舊名毛木橫河因俗多刁悍通

賦故更名云 見舊志

仙釋

晉雷王保秦州城東人父仲華室人高氏夢吞金像覺而有娠元帝太興元年五月十一日生祥雲滿庭異香馥郁幼敏慧悟醫藥貫徹經史咸康元年舉孝廉仕歷耀襄瀛等州刺史遞轉陞至尙書左僕射紫金光祿大夫辭官入道修行於白石鎮之大皇山卽雷王山元興三年三月八日功成上昇郡人思其德行立祠祀之王自成聖後禳疾病禱雨暘莫不靈應勦滅蛟蜃神功屢顯宋咸淳四年江陵府奏進討叛蠻

禮縣新志

卷之四

附攷

六

遣使詣雷王禱神求助戰之日見有神人率天兵盪陣大顯靈跡請加表封功禮部行下大常司勅加齊天顯聖崇靈廣福乾元宣烈蓋國大帝封號王修於大皇山曰雷王池曰天聖廟曰乾德古祠葬於大華峰曰乾明祠曰玉液天宮泉曰聖應今雷王山廟有碑記其事

雷牛成紀人煉丹於長道縣之南明皇時宮中有病召至長安所治皆愈封雷王今山上藥曰尙存有古槐一株液出似酒飲之去病人謂雷峰仙酒

唐癩僧莫祥所自嘗引一黑犬來依禮之柏林寺寺僧
繁衆每日捨齋僧必牽犬就食衆僧惡之呵曰許喫
齋不許住持齋罷卽於近寺大石上褥草以宿僧病
篤其犬一舐癩痕瘡卽剝落久遂脫淨無何僧犬俱
死衆瘞於寺後所宿之石夜輒有光且聞音樂聲焚
之火上成霞彩且有五色蝴蝶飛遶俄而爆聲如雷
現一玉佛黑玉犬繫其肘後皆澤潤如生因供奉於
寺中自後近寺居民多夢癩僧入室旣覺猶有五色
蝴蝶繞室中邑人以爲神紹聖二年因建七層浮圖

禮縣新志

卷之四

附攷

七

以祈禳疾疫水旱隨禱輒應共稱爲廣福佛後汴京
大旱詔取玉像至京祈禱卽雨更造玉像奉於寺封
僧爲真淨大師

明南和尙縣南家山人幼好禪爲方外依翠峰住持寺
側山巖壁立如削高數十丈中有洞窈而深僧居人
常赴洞裏靜坐或日一出或連日不出數年習爲常
一日語其徒曰吾明日當逝及期僧衆往伺僧已坐
化瞑目而逝遂瘞之寺後近寺居人有適漢中者路
遇僧荷杖行問之應以雲遊囑曰吾行時禪房上鎖

鑰匙在龍神天窗上未及與僧徒說汝歸可代白且
贈以草履其人著行如飛不日到家履化雙鶴飛去
旋來寺言狀僧已死問其期則相逢之日也始知為
顯跡云土人至今稱為神仙洞

塚墓

勅賜岷州上古天元山開天教主萬道宗師大漢總真

玉寶元功天尊神仙王世顯道士金佛之墓

漢建武五十年三月初九日碑記

雷王墓 雷王山

龔國公墓 西一里

禮縣新志

卷之四

附攷

八

秦國公墓 東北二里

趙學士墓 西一里

王少傅墓 西二里

王尙書墓 西三十一里

門尙書墓 西二里

雍國公墓 東三十一里

知縣王定國墓 西一里

梁國公墓 西一里

參將張承錄墓 西一里

國朝

乾清門侍衛黃大奎墓 東北二十里

自古來記事之書莫詳於廿一史我

聖世拓疆之域悉備於萬年圖上自京都則有

國史下及郡邑則有縣志志之二書何可勝言賜

前橐筆幕遊曾歷觀縣志惟滄泉圖記詳規

條備禮邑舊志屢經前縣宰議論規模甚

狹敘事太簡或係採風者憚於新勞握管者

亟於草創欲重修而未果賜生長於斯亦覺

略而不詳然修之不易非胸儲八斗腹注三

禮縣新志

蒙序

長何遠能此惜不得大手筆為經世文如觀

水之觀瀾也

縣宰雷明府蜀之名孝廉也光緒甲申冬奉

簡涖禮下車伊始即以修志為辭嗣於丁亥夏設局

舉辦賜以腐庸弗與焉庚寅春忝膺禮興書

院旋奉

藩憲裕檄委署理固原直隸州海城縣訓

導適承

明府以縣志序文八景律詩及各條目見示并屬
一言賜自維鳩拙偶覩鴻裁讀其文宜古宜
今誦其詩宜風宜雅細覽各條目更不漏而
不支真令人眼底花飛心中冰服方知觀水
觀瀾之語非無據而云然而經世文總不外
乎大手筆也洎乎風俗人物旁搜廣收無非
善善從長之意於美者成之而惡者庶自愧
於薰者采之而猶者宜自懲補前人之未備

禮縣新志

卷序

二

啟良法於將來嚴加筆削隱寓褒貶其亦得
孔子作春秋之遺意也夫是為序

署固原直隸州海城縣訓導辛酉拔貢候選教諭治晚蒙頒賜謹識

禮邑誌書創於前朝 劉公澤遠際我
朝雍正六年 董公興國踵而輯之越乾隆
十七年 方公嘉發大加鋪張而潤邑之
乾隆二十一年 唐公正邦又即 方未
竟之緒而續修焉自時厥後至今一百三
十餘年竟無有人起而修之者歲甲申我
仙翁父臺冬季接篆任事甫下車即勤訪民
瘼勸息爭訟而尤以教訓士子為先凡事

之墜者無不舉廢者無不興深惜誌書之
多年莫修也首集紳士商所以修之聞者
唯唯我

公於己丑歲力倡修誌時又奉 憲諭邑各
修誌亟諭士子各董其事冬季興工今三
月之望工竣異日可為信史徵誠盛事也
嗟嗟不有

賢侯必致缺如邑誌弗修其何以補罅漏而

資考鏡哉惟我

賢侯以名孝廉宰此最爾愛士愛民不惟當時銘泐不忘後之讀誌書者一邑之風土人情具見於簡冊慨想

賢侯之德之才於靡暨吾禮將世世寶貴而頌揚之矣是役也庠不敏身與其事爰於事之既蒞而僭為之序

光緒十六年歲次庚寅孟夏之吉國子監

典簿增貢生沈應庠謹識

粵自鳥跡蟲文有象而結繩之記渺焉弗
傳版圖竹簡繼興而史冊之名於以不朽
以故自古皆有史官掌記時事諸子百家
咸以傳記成其著述凡大而勒諸金石小
而銘諸戶牖皆所以示不忘也憶禮之縣
志其來久矣始自明萬厯四十有一年而
暨及於

國朝乾隆二十一年雖其間土地人民政事

禮縣新志

楊序

歷歷可考而厥後無聞焉觀者莫不以未
窺全豹為憾維時邑宰

雷明府者蜀之名士也以孝廉奉

簡命蒞禮文學政事兼擅其長初閱縣志隱有
纂修之念以公事旁午未果越數年政通
人和百廢具興花落訟庭草生囹圄乃取
是編而詳考之其中略者固略而詳者猶
未盡詳也爰集邑紳設局採訪蒐羅山水

古蹟風土人物彙集成編舉前此之所略而不詳者咸考而備陳之遂成全帙噫亦苦矣哉庚寅夏棟因公晉謁明府出以見示並囑作序棟以居鄉農人未獲躬親其事兼以拙鳩成性孤陋寡聞於山未見終南嵩華之高於水未見黃河之大且深率爾操觚恐不免貽笑方家辭不敢從命

明府固諄囑語之時廣文雷公二尹趙公在

坐亦皆慙慙之故不得已而妄評之棟觀夫縣志一書其辨貞淫也若詩之有美有刺其道政事也若書之有理有條其寓褒貶別善惡也若春秋誅意之法其詞簡以該其旨深且奧洵美無不備也用不揣鄙陋略贅數語繕寫謹呈望賜郢斲付諸剞劂亦與我明府分苦之意也云爾

光緒十六年孟夏試用訓導前署蘭州府教授治晚

原貢生楊廷棟頭首拜跋

禮縣新志

楊序

三

志也者記事之書也一邑之山川風土人物事蹟莫不悉於記載之中是故太史觀風不殫輶軒之採蕭相入陝先收圖籍之藏豈不謂尺牘在握於以相其土宜順乎人情因利順導而政教可施矣乎禮之有志修纂已久自乾隆以來一百數十年之文獻莫增一字觀者憾焉甲申冬錦江

縣宰雷公以名孝廉奉

禮縣新志

王序

簡命蒞禮詢及縣志慨然有更新之意案牘繁劇未遑也戊子秋上憲飭各邑修志賢侯邀邑紳商議設局採訪以溫之譚訪亦使之濫厠其間自維負性迂疏未獲一領鄉薦沒世無稱君子疾之猶憶江少微養望林泉嘗修通鑑節要周靜軒援例冠帶曾著綱目折衷古之人講學名山每藉著作以見志自顧何人敢與前賢比類特

以附編輯之末光留姓氏於邑乘不致湮
沒弗彰也亦云幸矣用是忘其國陋竭蹶
從事仰維 賢侯之學若海心如髮數年
來每呈一稿旋加筆削霄壤頓異博我宏
我裨益實多既三長之是兼用一辭而莫
贊故斯志之出條目清析詞義謹嚴紀事
必提其要纂言必鉤其元煌煌乎鴻裁鉅
製皆 賢侯之所輯而成也溫何力之有

焉特以垂青有人藉抒管見庶幾附驥尾
而名以顯焉爾謹跋數語以誌其畧

邑 恩進士治晚 生王思溫頓首拜識
邑 庠 生 劉重鏞頓首拜書

